

# BONNETE

 Na hoo ha ho le etselsethe? Ka sebele ho jwalo. Ha re inameng jwale ka thapelo.

<sup>2</sup> Morena, jwaloka ha re hlaloseditswe sefeleng se ratehang sena, *O Moholo Hakakang*, mme re a nahana, hoseng hona, re ne re ka etsang ha e ne e se ka Wena! Mme hape ha re nahana ka boholo ba Hao, yaba lerato la Hao le O qobella ho re hlokomela hakaale, ke moo moyo wa ka o sitwang ho e amohela. Ke nnete. Ke O rapela ho tla re hlohonolofatsa kajeno, jwale ha re tswelapele ho kena tshebeletsong, hore O tle o re ngwathele Bohobe ba Bophelo, e leng tshenolo ya Kreste. Hoba re e kopa ka Lebitso la Jesu. Amen.

<sup>3</sup> Moena Ungren ha a phetse ho tla tabernakeleng. Mme o dula Memphis, Tennessee, yena le mme wa hae, mosadi wa hae. Mme lelapa lohle le tla tabernakeleng. Mme ke ka sewelo ke mo utlwang, hobane e dula e phathahane, empa hoseng hona ke ne ke ikemiseditse ho mo utlwa a bina sefela sena. O bina e se seng, se seng sa dithatohatse tsa ka, *O Theoha Kganyeng ya Hae*. Mme tseo ke dithatohatse ya difela tsa ka. Mme ke fuwe monyetla o moholo ho kopana le ntatae, hoseng hona, kgetlo la pele ka fumana monyetla oo, monna ya kgabane. Mme—mme Moena Ungren, ntatae, o tla—a ke ke a tloha ha feela mora wa hae a ntse a phela, Morris, hobane ba hlile ba tshwana.

<sup>4</sup> Mme mosadi wa hae, mme wa Moena Morris Ungren, o phetse dilemo tsena tsa ho qetela tse leshome le metso e mehlano ka mohau wa Modimo. Yena ruri e bile tshusumetso e kgolo ho nna, ho bona seo; ho feta dihoreng tse lefifi tseo, kwana a ntse tshwere letsoho le sa fetoheng la Modimo. E re hlakisetsa bonnete ba Bokreste, le tumelo ya ba bo lumelang. Kahoo, ke thabetse seo haholo hoseng hona.

<sup>5</sup> Re sa tswa tshwara lechato, mokatong o katlase. Bana ba babedi ba ka ba sa tswa chata, le bana ba ba tswang tabernakeleng; Billy Simpson wa rona e monyenyanane le ngwananyana wa Myers, esale e le baratani nakwana; Sharol, e. Ba ne ba... Hape ke ba leloko mona, kapa Sharol Myers e monyenyanane ke yena, ho Moena Ungren le bao. Kahoo, re ba thabetse, ke ba bona ba nkile madulo a bona, ka mora lechato, ho kgutlela hantle oditoriamong ya kereke, le ho dula fatshe ho mamela tshebeletso. Bana bao esale ba boloketswe sebaka se tebileng pelong ya ka, hoba ba hlompha Lentswe haholo. Ba—ba mpa ba rata Lentswe feela. Ha ke nahane joalo, ha ke ba bitsa bana ba ka, ha ke nahane hore ba fetisa bana ba bang. Empa ba mpa ba sheba ho nna, mme ke—ke—ke sheba ho Molimo bakeng sa bona.

<sup>6</sup> Billy e monyenyanne o ne a batla ho nyala, yaba o tshaba hore a ka lokela ho ya sesoleng. Mme ba ne ba le babedi kapa ba le bararo maemong ao. Mme bashemanne bao ba tla ho nna, mme ba re, "Moena Branham, re—ha re batle ho ba bathobi kapa eng, empa re rata ha o ka kopa Modimo." Mme ba mpehela motheo o reng ba ka rata ho tsamaela hole le sesole, ha ba ka kgona; e seng hobane ba ne ba sa batle ho sireletsa naaha, nthong efe eo ba neng ba ka e kgona. Empa taba, ha ba—ha ba ka ya teng, ba ne ba tla kena hara mofuta o fosahetseng wa batho ka ntle dinthong tseo (ha ke tsebe hore le di bitsa eng) di-PX, kapa e bang le di bitsang, ba ntso tswela mono moo basadi bao ba batlang ba sa apara letho. Ha se sebaka sa moshanyana wa Mokreste, yaba Modimo o aba kōpo ya bona.

<sup>7</sup> Mme jwale Billy e monyenyanne o tla hoseng hona, ho chata le Sharol enwa ya kgabane, ka hona re a ba thabela. 'Me re ba lakaletsatse molemohali Mmusong wa Modimo.

<sup>8</sup> Mme jwale ena e bile nako e monate ho rona. Mona re tshwere sekolo sa Sontaha se setle hoseng hona, kereke e tletseng, ka hona re thabile haholo. Mme hangata, badisa, e—e a re khothatsa rona ho bona batho ba tla ho o mamela. Hobane, le a bona, ha o rate ho bua le ditulo tse lephaka, hobane ba . . . Re ka bua ka ho tshwana holane motho a le mong mona. Empa leha ho le joalo ho monate ho nahana, "Haeba *enwa* a ka e fosa, e mong o tla e tshwara." Le a bona. Mme e etsa phapang, e etsa hore e kganye.

<sup>9</sup> Mme jwale, feela dipuisanong tsa sephiri feela jwale, sena ke, haeba re ka kena ho tsona kapele feela.

<sup>10</sup> Ke kopane le Moena Boutliere ha ke etswa, mme ha ke eso mmone esale ke fihlile mona. Ka re, "O ntse o ipatille kae?"

A re, "Ho ba lokisetra tinara ya nama ya kalakunu."

Mme ke ntse ke mmolella hore ke dihile lethwana. A re, "Wena?"

Ka re, "Ha o so fetohe le hanyenyanne."

A re, "Le wena hape."

<sup>11</sup> Ka re, "Boo ke bodiplomate ba sebele." Ka re, "Empa, o a tseba, ke entse jwalo. Ke theohile ho lekgolo le mashome a supileng, ho ya ho lekgolo le mashome a mane a metso e mehlano, ke hlile ke fetohile." Disutu tsa ka kaofela, hape, di kgolwanyane. Mme motho o sa tswa mphumanela e nngwe letsatsi le leng, ho e apara tlase mona; e nngwe e sa leketleng mahetleng, mme letheka le menahane.

<sup>12</sup> Empa ke—ke leka ho etsetsa Jesu Kreste ka bokgabane bo matleng a ka ke sa fumane monyetla wa ho e etsa. Mme ketelo ya lona e kgabane!

<sup>13</sup> Ke ne ke ntse ke bua ka phaposing hona joale, Ke bone Moya o Halalelang o moholo o tlosa mofetshe mmeleng wa mosadi, hantle ka mono. Ke e—ke mosadi ya tswang Texas. Mme

mofumahadi o dutse mono, ha ke eso bone motho ya ferekaneeng ho feta, mosadi wa moreri, metsotswaneng e mmalwa feela e fetileng. Mme Morena a mpontsha pono ya hae a dutse mono, mme ka mmona. O ile a letsetsa New York, mme o ne a batlile hore kgalo le mona. A e-na le metsotso e mehlano feela, yaba o bona monna wa hae a sotlwa ke alsaa, mme alsaa eo e hlahisitswe ke thahasello ya hae ho mohatsae. Modimo o Matlaohole, wa kokobetsa mosadi eo ya dutseng mono. O dutse, o ntjhebile jwale. Ka hona, hape ke batla ho o bolella, moena, alsaa ya hao e fedile. Le a bona? Yaa, o tla fola jwale le ho kgutlela mosebetsing wa Morena.

<sup>14</sup> Jwale, ha o bona se etswang ke Morena, o—o ha o tlale yona. O batla feela ho tswelapele, ho tswelapele, ho tswelapele.

<sup>15</sup> Mme, jwale, bosius ba maobane re bile le tshebeletso e kgolo ya thapelo, mme ho lokile, ho itoketse. Ho beha bakudi matsoho, ho hotle. Ke phetho se hlokahalang, ka nako e nngwe. Mme hape ho be le bang ntho e teng motsheo mane, ha ba—ha ba kgone ho e tshwara, mme o loketse ho fumana motho eo le ho fumana seo e leng sona. Le a bona, ntho e a ba sitisa, ntho e robetseng tseleng. Mme seritinyana se le seng se tla e hlochlora e balehe.

<sup>16</sup> Jwale, mofumahatsana ka mono nakwana e fetileng, o ne a ferekane, a hloname haholo. Mothwana wa batho, a sa kgone le ho hema feela. A mpa feela, “hee, hee,” le feela—feelaa ho ya jwalo, le a bona.

<sup>17</sup> Jwale, ntho eo o lokelang ho e etsa. Mona ho na le bokaharenyana, le a bona. Bo tshwara moyaa wa hae. Le a bona? Ebe moo o mo hlahisetsang mohopolo oa hao ka seqo. Le a bona? Mme o fetola monahano oa hao. Le a bona? Ebe ha e etsa jwalo, o ka mo tsepamisa hodima Kreste, mme ho tloha moo a ka tswelapele. Empa o tlameha ho fetola kamoo a nahanang, le a bona. Ha a khone ho o fetola ka boyena. O mpa a matha a dikoloha feela, mme o tlameha ho thonaka ntho eo. Jwale nthwana ke eo e o fang lethwana... O se ke wa leka ho ithuta yona; u se ke wa etsa jwalo. E dumele feela mme o tswelle.

<sup>18</sup> E be leseanyana leo le ne le ka kgona jwang, le robetseng mono diphakeng tsa mme eo, esae le shwele ho tloha ka hora ya borobong hoseng hoo, mme ke ho ella kwana bosiu bosius boo, moyanyana oo o ne o le hokae? O tlameha ho ya batlana le moyaa oo le ho o kgutlisa. Mme ha o o bona o kgutla, ke moo u ka emang ka Lebitso la Morena le ho o bitsa. Le a bona, e tla etsahala. Empa pele o etsa hoo, o ntse o senya phefumoloho ya hao feela, le a bona.

<sup>19</sup> Ha se letho—ha ho letho le mohlolo hakaalo. Ke ho fumana Modimo, ho itlosa tseleng le ho dumella Moya o Halalelang ho o sebedisetsa seo A batlang ho se etsa. Ke phetho. Taba ya

sehlooho, neo efe, ke ho falatsa mehopolo ya hao, le ho dumella Kreste. Ke moo sohle seo E se buileng, ha o batla ho tseba haeba e le Kreste kapa tjhe... E le maikutlo feela, e tlohele. Empa haeba e le tshisimoho feela, e tlohele. Empa haeba e ngotswe Lentsweng, e tla ba ke Modimo. Ka mehla ahlola tsohle, tseo moyo ofe o bolellang tsona, ka Lentswe. Lentswe, o se ke wa sutha Lentsweng leo; haeba o etsa jwalo, o lahlehile.

<sup>20</sup> Jwale, pele re dula ho fihlela motsheare, ka ho bua jwalo feela, ha re phetleng Bibeleng feela le ho bala Mangolo a mang mona. Mme jwale re tla... Ke rata Lentswe la Modimo. Ke a tseba bohole re etsa joalo. Joale ho ne ho se e...

<sup>21</sup> Ke ne ke tla rera, hoseng hona, kapa ho bua, ho ruta sekolo sa Sontaha, ka diphiri tsa Modimo esale di patwa ho tloha ho thewa lefatshe, tse senolwang ka ho Jesu Kreste. Mme ha ke a fumana monyeta wa ho e qeta yohle. Ke ile ka lebala ka lenyalo le tllang, nka tshoha ke—ke e ama kgetlo le latelang ha ke tla.

<sup>22</sup> Joale ke tlil'o bala a mang ho tswa dibakeng tsa tharo ka Bibeleng. La pele, ke batla ho bala ho Bafilipi 1. Kgaolo ya 1 ya Bafilipi, ho qala ka temana ya 19, le ho bala hape ho haola ka ya 22.

*Hobane ke tseba hoba hoo ho tla mphetohela poloko ka merapelo ya lona, le ka tshitso ya Moya wa Jesu Kreste,*

*Ka tebello e tiyang ya ka le ka ditshepo eo ke nang le yona, le hoba nke ke ka swabiswa teng tabeng leha e le nngwe, ke mpa ke tsebisisa hore, esita le jwale le mehleng yohle, le jwale Kreste o tla bonahala mmeleng wa ka, leha e ka ba ka bophelo, kapa ka lefu.*

*Hobane ho nna ho phela ke Kreste, mme ho shwa ke moruo.*

*Ha ke tsebe ha ho ka ba molemo ho nna ho phela nameng, hona ke tholwana ya mosebetsi wa ka: le hoba ke... tshwanetse ho kgetha kae.*

<sup>23</sup> Jwale kwana Bukeng ya Baroma. Mme re batla ho qala kgaolong ya 8 ya Baroma, le temana ya 35, ho aha seo ke batlang ho se nka e le mohlodithero.

*Ke mang ya tla re arohanya le lerato la Kreste na? na a ke metubo, kapa ditsietsi, ... mahloriso, ... tlala, kapa bofuma, ... timelo, ... lerumo?*

*jwalokaha ho ngodilwe ho thwe, Re bolawa ka baka la me... letsatsi lohle; re lekantswe re le dinku tse hlajwang.*

*Tjhe, empa dinthong tsena tsohle re fetisa bahlodi ka ya re ratileng.*

*Hobane ke tsebisisa ruri, hore leha e le lefu, kapa bophelo, kapa lengeloi, leha e le bobusi, leha e le matla,*

*kapa dintho tse teng hona jwale, kapa dintho tse tlang ho tla, leha e le efe . . .*

*Leha e le bohodimo, . . . botebo, kapa sebopuwa sefe kapa sefe, ha ho letho le tla tseba ho re arohanya le lerato la Modimo, le leng ho Kreste Jesu Morena wa rona.*

<sup>24</sup> Ho Liketso 2, le temana ea 30:

*Empa erekaha e ne e le moporofeta, mme a tseba hobane Modimo o mmaletse ka hlapano hore Kreste ka nama, o tla tswa mofuteng wa hae, a be a dule teroneng ya hae;*

<sup>25</sup> Jwale lena ke Lengolo le le ngata, e batla e le ho tloha sebakeng se seng ho ya ho se seng, ka Bibeleng. Empa re a tseba hore, haeba ho badilwe Lengolo le le ngata lena, re tla fumana se seng ka Mono se tlang ho—ho re thusa. Jwale Modimo o re ke o re thusa jwale, ka ha ke rata ho nka sehlooho sena, hoseng hona, e leng lentswe la bonnate: *Bonnate*.

<sup>26</sup> Jwale rona, ha ke ntse ke batlana le mongolo ona, ke ile ka ya bukantsweng. Ke ile ka nahana, “Eng? Motho ha a phetse ho re, ‘Eo ke bonnate, ke nnete. Bonnate, ena ke yona.’” Ka nahana, “Lentsoe leo ke eng? Ebe le bolelang, *bonnate*?” ’Me ka ya ho bukantswe ho fumana seo le se bolelang.

<sup>27</sup> Webster e re ke e “phethahetseng ka boyona, e matla a se nang moedi, sethatong ke makgaolakgang.” Le a bona, “e matla a se nang moedi, e phethahetse ka boyona, mme ehlile ke makgaolakgang,” lentsoe *bonnate*.

<sup>28</sup> Mme ke rata ho bolela sena, mme ke tshepa le tla tshwara mantswe ana, hobane ha ke moreri wa bodisa bo rupetsweng ka mokgwa oo, le ka mokgwa wa saekholoji ho tlisa ntho e kgahlisang e ka tshwarang batho. Ntho feela eo ke e etsang, ke ho leka ho etsa ka bokgoni ba ka bo kgabane, ka baka la metswalle eo Kreste a mphileng yona, mme ke—ke—ke batla hore ba bone seo ke se nahangan ka Kreste.

<sup>29</sup> Jwale, phihlelo e nngwe le e nngwe e kgolo e hokahane le bonnate. O ka sitwa ho tsamaisa bophelo o se na bonnate. O ke ke wa finyella letho e se bonnate, hobane ke tshiya ya ho qetela e tlamelang. Ke e—ke lefito qetellong ya leeto. Ke nqalo moo o tlamelletsweng ho ntho e itseng.

<sup>30</sup> Letsatsing leo re phelang ho lona jwale, mme ntho yohle e a pshatleha, e a romotseha e a fefolwa, ke nahana Molaetsa ona e tla ba ntho e loketseng haholo, haholo-holo ho Bakreste haele moo ba feta madibeng a bona a metsi a tebileng hona joale. Kereke ya Bokreste e feta madibeng a tebileng ka ho fetisisa e kileng ya kgahlana le wona dilemong tse dikete tse pedi tse fetileng. Hobane, re fihla nqalang moo ntho e nngwe e hlahisetwang Bokreste, ntho eo ba tlamehang ho etsa qeto hodima yona, mme ke nahana kereke ya Bokreste e loketse

ho fumana ho hong ntho eo ba e tsebang ba tlameletswe ho yona, sebakeng sa ho fefoha feela jwaloka lehlaku hodima metsi, moya. Joalokaha Bibele e boletse, “Ho iswa kwana le kwana ke moyo o mong le o mong wa thuto.” Meya e a fihla e pheulela lehlakunyana ka nqa *ena*, ho ntso fihla moyo o mong, moyo wa leboya, moyo wa borwa, moyo wa botjhabela, moyo wa bophirimela. Ha ho mohla o tla fihla kae kapa kae, ha o a tsitsa. Bophelo ba Bokreste e lokela ho ba bophelo bo tsitsitseng. E lokela ho ba ntho e itseng e—e ke molao-motheo oo—oo o tlameletsweng ho wona, o fetang le bophelo ka molemo.

<sup>31</sup> Mme o tlameha ho ba le ntho eo o tlameletsweng ho yona. Batho ba bang ba tlameletswe kgwebong ya bona. Ba bang ba tlameletswe malapeng a bona. Ba bang ba tlameletswe tumelwaneng. Ba bang ba tlameletswe temeng ya sesole. Re iphihlela re tlameletswe dinthong tse fapaneng. Empa ha ke nahana, jwaloka Mokreste, re loketse ho tlamellwa nthong eo re e tsebang hore e lokile, le a bona. Hobane, o ka tlamellwa lelapeng la hao, mme mosadi wa hao—wa hao a ka o tlohela. O ka tlamellwa sesoleng, mme o ka bolawa. Mme o ka tlamellwa nthong efe e fapaneng, mme e na le qetello. Empa eka kgona ho be le tshiya e tlamellang kgetlo la ho qetela. Eka kgona o be le sebaka nqa e nngwe moo—moo motho a loketseng ho tlamellwa nqa pheletso ya hae ya Bosafeleng. Hobane, haeba o tla tshepela mosebetsing wa hao, mohla mosebetsi oa hao o fedileng, ho fedile. Mohla lelapa leno le nkilweng, ho fedile.

<sup>32</sup> Empa ke hopola ntho e le nngwe feela e leng tsiya e ya ho qetela e tlamellang. Mme ke dumela Pauluse a ne a fumane tshiya e tlamellang bophelong ba hae mona. Mme ke rata ho—ho kena kahare, haeba re ka e bitsa jwalo, le ho bua ka tshiya eo e tlamellang. O itse, “Ho nna ho phela ke Kreste, mme ho shwa ke moruo.” Jwale, Kreste e ne e le Bonneta ba Pauluse. E ne e le tshiya ya hae e tlamellang. E ne e le ya hae... E ne e le bofelo ba likhang tsohle. E ne e le Kreste, e ne e le tshiya ya hae e tlamellang.

<sup>33</sup> Pauluse o ne a se na tshiya eo e tlamellang kamehla. O kile a tlamellwa sehlopheng sa Bafarisi. Mme a tlamehile ho kwetliswa le ho rutwa, ba tle ba mo amohele le ho mo tlamella tshiyeng ya bona. Empa ka tsatsi le leng o ne a le tseleng e theohelang Damaseka, mme a kopana le Jesu, sefahleho le sefahleho. Ho tloha moo a itokolla tshiyeng ya hae ya Bofarisi; mme a boela a itlamella hape, Jesu Eo a mo tsebileng a ne a thakgisitswe, a shwa, a ba a tsoha hape. Pauluse o e tsebile hobane o ne a kopane le Motho eo. Seo sa mo fetola hantle mono. Ha a ka hlola a tshwana ho tloha mohlang oo. O ne a sa kopana le buka feela. O ne a sa kopana le e—e tumelwana. O kopane le Motho, Jesu Kreste. “O Mang, Morena?”

A re, “Ke nna Jesu.”

<sup>34</sup> Ha re nahaneng ka tshokolo eo, metsotsoana e seng mekae. Ke dumela hore Pauluse e ne e le monna ya tshepehang. Erekaha sena e le sekolo sa Sontaha, re batla ho e ruta jwaloka sekolo sa Sontaha. Pauluse, ke a kholoa, e ne e le monna ea tebileng, ya tshephahalang, mme ho ne ho le—ho se letho ka yena le fapaneng le mang kapa mang.

<sup>35</sup> Baporofeta bao bohole e ne e le batho jwaloka rona. Bibebe e itsalo. Santa Jakobo 5, “Elia e ne e le motho wa maikutlo jwaloka rōna,” o ne a ena le meepa le metheo ya hae, le dikahare le dikantle tsa hae, “mme a rapela ka tjheseho hore pula e se ke ya na.”

<sup>36</sup> Mme Pauluse e ne e le motho jwaloka rona. O ne a ena le dipherekano tsa hae, pelaelo ya hae. Mme e ne e le monna ya tshephahalang. O ne a kena le lequlwana le leng la madumedi a tshekehileng ka ho fetisia lefatsheng. Mme o ne a fetoha mosuwe wa lequlwana leo; a rutilwe tlasa mosuwe e moholo, Gamaliele, e mong wa mesuwe e meholohadi eo ba neng ba e bolokile mehleng eo. Batswali ba hae ba ile ba hlokomela, ba bone ho hong bophelong ba Pauluse, mme ba sebetsa ka thata ho mo romela sekolong, a tle a rutwe melaong yohle ya Modimo. Mme, ka botshepehi bo tebileng, a dumela lentswe le leng le le leng la yona.

<sup>37</sup> Mme o ne a utlwetse ka sehlopha se tlase sena sa batho, le kamoo ho kileng ha fihla moporofeta, bao ho thweng ke bona, ke sehlopha sa Hae, se neng se hlahile Galelea, se neng se loketse ho etsa mehlolo le ho fodisa bakudi. Empa lequlwana la hae—la hae leo e neng e le setho sa lona la hana ho amohela Monna enwa e le moporofeta, Jesu enwa wa Nazaretha, hoba A sa ka a Itsebahatsa le bona. Kahoo Pauluse a sitwa ho kgema le yona, hobane lequlwana la hae la—la batho le ne le sa E dumele. Mme ba ne ba mo lemositse kgahlano le tse jwalo.

<sup>38</sup> Mme Pauluse, ka botshepehi, a nahana, “Haeba ntho ena e se ya Modimo, mme kereke ya ka e re ha se ya Modimo, ho ka etswa ntho e le nngwe feela, ke ho e falatsa.” Ho re, “Ho e tlosa tseleng, hobane ke... e ka ba tshitiso, e ne e tla hola, lethopa,” kgahlanong le bodumedi ba lequlwana la hae. Yaba o rera pelong ya hae ho tswa le ho dibola “hlahala,” ena kamoo a e bitsitseng, kapa kereke ya hae e e bitsitse jwalo, ho e lahlela hole le sehlopha se setle sa hae sa Bafarisi.

<sup>39</sup> Ka tsatsi le leng, ka mangolo a tswang ho moprista e moholo kgetsaneng ya hae, ho tshwara batho bohole ba neng ba le maemong ao, hoba Pauluse o ne a laetswe ho etsa hoo. A le leetong le theohelang motseng o bitswang Damaseka. Ba ne ba ba ba kgutsisitse, mathokong a Jerusalema. Ka hona o ne a—o ne a tlepeditse Setefane, mme ke Pauluse ya moa tlepeditse, a ba a e paka mme a disa kobo. Jwale o ne a tla theohela mona mme a etse ntho yona eo, mme a falatse tshitishohadi ena.

<sup>40</sup> Empa ha e batlile, e ka ba hara motshehare, ho ella hora ya leshome le motso o mong, hora ya leshome le metso e mmedi, o ile a otlwa a dihelwa fatshe. Mme hoba a etsa jwalo, a lelala mme Lesedi la ema ka pela hae. Mme Puo e tswang Leseding lena, e re, "Saule, Saule," potso, "o Ntlhorisetsang na?" Jwale Pauluse o ne a tseba, kapa Saule, ke rialo, o tsebile hoba batho ba habo ba ne ba latetse lona Lesedi leo ho tloha ba nyolohile ba tswa Egepeta. Mme haeba . . .

<sup>41</sup> Na le bone phetolelo ya Bibebe ya Lamsa, ya kgale . . . E—e pontsho ya kgale ya Seheberu ya—ya Modimo ke Lesedi le kgutlotharo; bonnyane, ntho e kang *yane*, boo ke bokhethi bo boraro ba Modimo, ho Bomolimo bo le bong. Mme Lesedi lena le kgutlotharo, tse tharo ho e le Nngwe, e leng Modimo o le mong, e ne e le e—e pontsho ho Moheberu, ya Modimo, Lesedi.

<sup>42</sup> Mme yareha Moshe a kopana le Yena sehlahleng, mohlang oo O itse, "KE TENG," ya dulang a tshwana le mehla, boraro; maobane, kajeno, le kamehla, esale Modimo o le mong. Mme Moshe a kopana le Yena sehlahleng se tukang. E ne e le Lesedi. Mme eitse ha A ntsha bana ba Israele lefeelleng, E ne e le Lengeloi la selekane, leo Moshe a le boneng ka tumelo, mme a tela Egepeta, a lekanya hore sekgobo sa Kreste ke letlotlo le fetang la Egepeta. Ka tumelo Moshe o bone hore eo ne e le Kreste, Tlolo. Mme Tlolo e ne e sa dula hodima monna ya itseng, empa E ne e nkile sebopoho sa Topallo ya Mollo. Le a bona?

<sup>43</sup> Mme hape yona Tlolo yona eo e theohile kolobetsong ya Hae, mme ya kena ho Kreste mme ya aha ho Yena. Johanne o tsebile hoba e ne e le Yena. A re, "Eo o tla bona hodima Hae Moya o ba ntshitseng Egepeta, wa ba isa lefeelleng, le ho tswa lefeelleng ho kena lefatsheng la pallo, eo hodima Hae o tla bona kgutlotharo ena ya sebopoho sa Modimo e theoha le ho dula teng, ke Yena Ya tla kolobetsa ka Moya o Halalelang le Mollo."

<sup>44</sup> Jwale Pauluse o ne a e-s'o fuwe monyetla wa ho e bona le jwale. Empa ho e netefatsa feela, ho lona, Bajuda ba ne ba thibetswe hakaalo ho kgumama pela modingwana, kapa ntho efe feela e kang eo! Jwale eitseha a bona Lesedi le leholo lena, a tseba hobane eo e ne e le Morena. *Morena* ke ho re "mong'a yona, ya laolang." A—a ka be a sa bitsa letho feela "Morena," Moheberu eo ya lomahantseng meno, kanthe o tsebile hore oo E ne e le Moya. Empa hlokomela, o tsebile hore yona Topallo ya Mollo e ne e le Yona e eteletseng batho ba habo pele. Mme yaba o kgutla mme a re, "O Mang, Morena? O Mang? Ke batla ho tseba hore O Mang. O kopane le Moshe ka lebitso la 'KE TENG.'" Empa ke tla kgefutsa mono ka mohopolo wa bona, motsotso feela.

<sup>45</sup> Jesu, mohla A ne a le lefatsheng, a tlotsitswe ka Seo ba se boneng, lemohang, O itse, "Ke tswa ho Modimo," Moya, Lesedi, Topallo ya Mollo, "mme Ke kgutla ho Modimo." Mme O ne a etswe nama hore a tle a shwele dibe tsa rona. Yaba kamora lefu

la Hae, kepeло, tsoho, le nyolohelo, hoba A nyolohe; ka matsatsi a mashome a mane, O ile a nyoloha; mme ka tsatsi la mashome a mahlano, A kgutla ka sebopaho sa Topallo ya Mollo, hara batho, le ho Ikarola, jwaloaka maleme a mollo, le ho dula hodima e mong le e mong wa bona. Yaba bohole ba tlala Moya o Halalelang, mme ba qala ho bua ka dipuo tse ding, kamoo Moya o neng o ba buisa kateng.

<sup>46</sup> Le a bona, Modimo o a Ikarola; Modimo pele ka Topallo e kgolo ya Mollo; Modimo o bonahaditsweng mmeleng wa motho; jwale Modimo o Ikarola hara batho ba Wona. Topallo ya Mollo e ne e ikaba, le ho dula hodima e mong le e mong wa bona, jwaloaka malakabe a lakomang, maleme a arohaneng a dula hodima bona, e le malakabe a mollo, maleme a arohaneng, maleme a kang mollo a dula hodima e mong le e mong wa bona. Mme bohole ba tlala Hoo, mme ba qala ba buwa ka dipuo, kamoo Moya o ba neng o ba buisa kateng.

<sup>47</sup> Jwale, le a bona, ha re batho ba arohaneng, re tlameha ho kena bonngweng, hobane e mong le e mong oa rōna o tshwere karolo ya Modimo. Mme re tlamehile ho kopana, mme ebe moo Topallo ya Mollo e bonahatwang ka botlalo, ka botlalo ba Yona; ha Kereke ya Hae e dutse mmoho dibakeng tsa Lehodimo, ke moo botlalo ba matla a Modimo bo leng ka Kerekeng ya Wona. E mong le e mong wa rona o tshwere dineo tsa moyo le diofisi tsa moyo, ha di kopana, di kgutlisa Topallo eo ya Mollo hape.

<sup>48</sup> Mme Pauluse o eleletswe hoo e le taba ya Morena, mme a re, “Morena, O Mang, haeba ke O hlorisa?”

<sup>49</sup> A re, “Ke Nna Jesu, ’me ho thata ho wena ho raha ditsenene.”

<sup>50</sup> Pauluse a laelwa ho ema, le ho theoha le ho kena mmileng o bitswang o, “Lokileng.” Mme teng ha nyoloha moporofeta, a bitswa Ananiase, mme o ne a bone pono, mme a mo kolobetsa. Mme a theohela Arabia, ka dilemo tse tharo, ho ithuta Mangolo, ho bona mabapi le Topallo ena ya Mollo e mo hlahetseng.

<sup>51</sup> Jwale re fumana Pauluse, bophelo bohole ba hae, esale a bolokile hoo e le tshiya e tlamellang. O ne a kopane le Modimo, sefahleho le sefahleho, mme o ne a romilwe ke Modimo. Tshiya e kakang e tlamellang! Bonnete bo bokaakang! Eo e ne e le qetello ya dikgang tsohle. Eo e ne e le qetello ya dintho tsohle ho Pauluse. Dikgohlano tsohle, tsohle di ne di fedile. Ha ke tsotelle seo Bafarisi ba se buileng, Basadusi ba se buileng, kapa mang feela; o kopane le Modimo o netefaditswe ke Lentswe, yaba ke phetho! Hoo e ne e le bophelo bohole ba hae. Hoba o bone Modimo o bonahaditswe, mme o ne a paketswe hore E ne e le Modimo, ka Lentswe, le ka tshobotsi le sebopaho seo A neng a le ho sona, le ka Puo e utlwahalang e buileng le yena hantle hore e ne e le eng. Jwale, e ne e le ntho e kgolo. Ha ho makatse a ne a ka bolela, ka pela e—e Agrippa, “Ha ke a ka ka hanela pono ya Lehodimo.” O

ne a tlameletswe ho yona. Ntho ya makgonthe e ne e le teng, ntho eo a e tsebileng, ntho eo ho seng motho ya ka mo amohang yona.

<sup>52</sup> Jwale, kajeno, haeba re tshepile thuto e nnotshi, kapa e—e mokgwa wa motjhini wa—wa thuto ho hlalosa Bibele, re tla be re e tshwere feela ho tswa e—e kemolong ya kelello. Empa ha ho motho ya nang le tokelo ka mora sefala sena, ho rera Evangedi, a sa ka a kopana le Yona sefahleho le sefahleho.

<sup>53</sup> Jwaloka Moshe, motsheo ho lehwatata, ho sa tsotellehe o ne a rutehile hakakang, sohle se neng se etsahetse; ditshabo tsa hae le ditsietsi tsa fela hobane o ne a eme mobung o halalelang le Modimo, ho se motho ya ka amohang yona.

<sup>54</sup> Mme monna e mong le e mong kapa mosadi ya bileng le boiphihlelo le Modimo, o kopane le yona Topallo ena ya Mollo hodima ditsha tse halalelang tsa pelo ya hao. “Ha ho moithuti wa thutamodimo, ha ho diabolosi, ha ho letho,” Pauluse o itse, “ha ho letho le leng teng, ha ho letho la dintho tse tl Lang, lefu, malwetse, maswabi, ha di ka ke tsa re arohanya le lerato leo la Modimo, le leng ho Kreste Jesu.” Ke tshiya e tlammellang. O a tseba hore ntho e etsahetse. Ho sa tsotellehe mahlale a hlaha hakae a bua *sena, sane*, kapa se *seng*, o tlameletswe. Wena le Modimo le ba bang. O ka ho lona, mme le lona le ka ho Yena. “Ka letsatsi leo le tla tseba hore Ke ho Ntate, Ntate o ho Nna; Nna ka ho lona, le lona ka ho Nna.” O tlameletswe ho Yena.

<sup>55</sup> Mme Pauluse e—e setsi sa bophelo ba hae e ne e le Kreste. E ne e le bophelo bo fapaneng le ba hae ba mehleng. O kile a fupara mohopolo wa thuto; empa jwale o entse Kreste setsi sa bophelo ba hae, bonneta. Ho sa tsotellehe Agrippa o ne a ka bua hakae, “Wena, Pauluse, o a hlanya. O lahlehetswe ke kelello. Wena, o badile tlolo.”

A re, “Ha ke hlanye.”

<sup>56</sup> Mme yaba o nkana le Agrippa, hoo a bileng a re, “O nqobella ho ba Mokreste.”

<sup>57</sup> A re, “Ke lakatsa ha o ka ba yena, feela e se be . . . jwaloka nna, ka ditlamlo tsena.”

<sup>58</sup> E o etsisa dintho, ha o fumana bophelo boo setsi sa bona e leng Kreste jwaloka Pauluse, ka tlwaelo o ke ke wa etsa jwalo. Jwale sheba. Ka tlwaelo, monna eo o ne a rupeletswe e—e Mangolo wohle le dintho, ka tlwaelo a ka be a latetse mokhwa oo a rupeletseng ho wona. Empa ha a fetoha . . . mme a etsa Kreste Bonneta ba hae, Makgaolakgang a hae, yaba ho hlaha bophelo bo fapaneng. O ile a etsa ntho e fapaneng. O entse dintho tsa bohlanya, kgahlano le seo a kileng a se kwetlisetswa. Mme e tla etsa ntho e tshwanang.

<sup>59</sup> Hola kereke e ka siroha Lekgotla leo la Dikereke, le ho kgutla le ho fetola Lentswe la Modimo makgaolakgang a bona, ho etsa Lentswe la Modimo tshiya ya bona e tlammellang, e ka ba

phetho. Empa ba tlamellwa phihlellong e entsweng ke motho. Mme e tlamehile ho heleha. Be, Bibele e ba tlae hile ba tla e etsa. Empa ho tla hlaha Monyaduwa ya kgethilweng haesale lefatshe le thewa, ya tla beng a tlameletswe tshiyeng eo e tlamellang.

<sup>60</sup> Ke bona ho tjhaba Bosafeleng, bo theohela nakong, haesale ho qala Edene. Mme, ha Bo etsa jwalo, ha hlaha mophula wa Madi, tsel a yohle ho ya fihla kwana Kalvari; mme ho tloha Kalvari, ho tlamilwe thapo ena, mme e tloha e hokelwa tshiyeng ya ho tlamella, Jesu. Mme ka tsatsi le leng mohla A tlang ho tseka ba Hae, e mong le e mong ya tlameletsweng ho makgaolakgang ao o tla phahamiswa ho kena Bosafeleng. Hobaneng? Haesale ba le Bosafeleng ka nako tsohle. Ba ne ba rerwe-pele kwana Bosafeleng. Bao ke karolo ya Modimo. Ba ne ba le monahanong wa Hae tshimolohong. Mme ha thapo eo e kgolo e hulwa, ya mophula wa Madi, Letshwao leo ke buileng ka lona, mohla e nyolohang lefatsheng, e mong le e mong ya neng a kenyeditswe Mading ao o tla rothetswa a nyollelwa hantle feela Bosafeleng hape. Empa e ka etsahala ka tsel a e le nngwe feela, e tla ba ka ho tlamellwa ho Bonnete boo, Jesu Kreste. Ke bonnete! Ha se boiphihlelo ba motho; empa Modimo o Mo tsositse bafung, mme Ke Bonnete. Mme re a tseba O a phela, hoba Ke enwa o na le rona ka Matla a tsoho ya Hae, ho etsa ntho e tshwanang le eo A e entseng mehleng ya Hae mona lefatsheng.

<sup>61</sup> Ke tlameletswe ho Makgaolakgang ao. Ke pheletso ea likgang tsohle. Ke tlameletswe ho yona. Boo ke bophelo ba ka. Ke ne ke le moetsadibe mohla Kreste a neng a mpholosa. Ke kopane le ho Hong. Mme haesale Hoo ho kena ho nna, esale ho—esale ho fapanne. Mme ke tlameletswe ho yona, ntho e nngwe le e nngwe eo ke leng yona e tlameletswe hantle moo. Mme yaba Modimo o arola bophelo ba Wona, le ho ntumella ho phela ka ho Wona, le Wona ka ho nna, re tlameletswe ke hona. Ke . . .

<sup>62</sup> Ha ho etse phapang seo ba bang ba batlang ho se dumela. Ho motho ka bomong, o tlameletswe ho Seo. Ao ke makgaolakgang a hao. Hoo ke . . . leo ke lentsoe la ho qetela. Mme haeba E le Lentswe, jwale *Lena* e loketse e be lenseswe la ho qetela. Hona ho tlameha ho e rarolla. Sohle se bolelwang ke Hoo, Eo ke kgole e kgubedu eo. Eo ke Kreste. Mme ntho efe feela e kgahlano le Hoo, ha ke tsebe letho ka yona. Ke seo re batlang ho se tseba, ke seo Lentswe lena le se bolelang; hoba ke tlameletswe ho Kreste, mme Kreste ke Lentswe. Le a e fumana jwale?

<sup>63</sup> Mme karolo ya Lentswe la Hae e abetsweng letsatsi lena, Moya wa Hae o Halalelang o teng mona ho bonahatsa karolo eo ya Lentswe.

<sup>64</sup> Jwalokaha ho etsahetse morao mane tswalang ya Hae. Esaia 9:6. Ho theosa hohle Mangolong, hohle ho boletsweng ka Yena, ho phethahetse. Kwana Bukeng ya Luka, re re ke . . . re bona seo. Mme E ne e le pheletso, E ne e le—E ne e le pheletso ya boporofeta,

hape, ba Hae. O phethile seo, nalane, difela, ntho yohle ka Testamenteng ya Kgale, e buileng ka Yena, e phethahetse hantle moo. Ya fetoha makgaolakgang. Ya fetoha tsiya e tlamellang ya Lentswe la Modimo bakeng sa mongwaha oo.

<sup>65</sup> Mme batho ba tswetsweng labobedi kannete ba mongwaha wona, ba tlatsitsweng ka Moya o Halalelang, ke tsiya e tlamellang ya Lengolo lena le loketseng ho phethahetswa matsatsing ana a qetelo. Bao ke bona makgaolakgang. Ke makgaolakgang a Modimo, hobane ke Lentswe la Wona; mme Lentswe ke Kreste, tshiya e tlamellang. Ha ho mokgwa wa ho sutha ho yona. Ntho e o tshwereng.

<sup>66</sup> Jwalokaha ke boletse, e o etsisa dintho tseo ka tlwaelo o ke keng wa di etsa. E etsisitse Pauluse dintho tseo ka tlwaelo a neng a ke ke a di etsa. E etsisitse Moshe dintho tseo ka tlwaelo a neng a ke ke a di etsa. E etsisa monna e mong le e mong le mosadi dintho tseo ba neng ba ke ke ba di etsa ka tlwaelo. Ke ntho eo o—ke setsi sa hao. Ke ntho e itseng, Ke tshetledi ya hao. E tshwana le . . .

<sup>67</sup> Ke ankora ho sekepe. Sekepe se tlameletswe ho ankora, nakong ya sefefo. Mme ha Kreste e le Bonneta ba hao, o tlameletswe ho Yena. Mehlgeng ya matshwenyeho, sekepe, ha o ka se lesa ho kolokoteha, se tla robeha kgahlano le—le—le—le mafika. Empa seo ba se etsang, ba dihela ankora. Ankora e hulana ho fihlela e hokelwa motheong wa majoe. Mme sekepe se tlameletswe ho ankora. Ke bonneta ba sekepe.

<sup>68</sup> Mme Mokreste ya tswetsweng labobedi o tlameletswe ho Kreste, mme Bibele ke ankora. Ke ntho eo re tlameletsweng ho yona. Leha mekgatlo, leha ntho efe e fapaneng, leha mahlale a saense, leha barupelli ba ka bua sefe seo ba se batlang. Ha empa e bolelwa ke Lentswe leo mme le e tshepisa, re tlameletswe Moo. Ntho e teng e sa re dumelleng ho tloha ho yona. Ke hantle. Mokreste ya tswetsweng kannete, ba tiisetla Lentswe leo. Haeba Le laela taba ho etswa, le mokgwa wa ho e etsa, re tshwanelo ho e etsa ka mokgwa oo. Ho sa tsottelehe seo mang a se buang, ke Seo Modimo o se boletseng. Re tlameletswe ho Seo, bophelo bo theilweng hodima Kreste.

Kreste, hape, o jwaloka Naledi ya Leboya.

<sup>69</sup> Le a tseba, lefatshe le a phethoha. Mme dinaledi, ruri, yona eo o e bonang e le naledi ya mantsiboya, e boetse ke naledi ya meso. Lefatshe le mpa le dikoloha feela ho yona. Empa le ritsetsa hole le dinaledi tseo, tsohle haese naledi ya leboya. Jwale o ke ke wa thakgisa tshupa-kgutlo ya hao hodima naledi ya mantsiboya mme wa kgathha tema nqa efe, hoba hoseng ho lhahlamang, ke eng? O hodima naledi ya mantsiboya ka bophirimela, 'me hoseng ho lhahlamang o ka botjhabela. Le a bona, o ke ke wa kgona. Empa o ka e thakgisa hodima naledi ya leboya, amen, mme wa e tsepamisa botsekeng bo shoetseng. O tla tswa.

<sup>70</sup> Mme bo jwalo bophelo boo Kreste e leng setsi sa bona. Ha o lahlehile, Ke Naledi ya hao ya Leoya. Ka hona, haeba E le Naledi ya Leoya, Moya o Halalelang ke tshupa-kgutlo ya hao, mme tshupa-kgutlo e tla supa Naledi ya Leoya feela. E ke ke ya supa tumelwana kapa mokhatlo wa bodumedi. E ke ke ya supa tshisimoho, kapa seo e ka bang sona. E tla tsitlallela Naledi ya Leoya ka botsitsio. Ke Naledi ya hao ya Leoya. Ha o lahlehile, o ka tswa tswa o ritsitse le mekgatlo, le dintho tse jwalo. Empa tshupa-kgutlo, Moya o Halalelang, o tla o supisa Lentswe ka kotlolohlo, e leng Kreste, mme e tla o tsitsisa. Itlamelle ho Seo.

<sup>71</sup> Holane naledi ya leoya e le siyo, motho a ka fumana tsela ya hae jwang lewateng le mohodi o opaneng? Holane Moya o Halalelang o ne o le siyo ho o tataisetsa Lentsweng la Modimo, ho Le bonahatsa le ho Le paka, re ne re tla etsa jwang horeng ee? Moya o Halalelang o supa Lentsweng feela. “Motho a ke ke a phela ka bohobe feela, empa ka Lentswe le leng le le leng.” E seng karolo ya Lentswe; empa Lentswe le leng le le leng, kaofela ha Lona. “Lentswe le leng le le leng le tswang molomong wa Modimo,” ke seo motho a phelang ka sona. Ke Bonnete ba hao bophelong ba hao, hape K Naleli ea hao ya Leoya.

<sup>72</sup> Le a tseba, re tlameha ho fumana selo, se seng, ho batalatsa qabang.

<sup>73</sup> Le a tseba, mekgwa ya tafole e kile ya thewa hodima seo mosadi a se buileng. Ke lumela hore lebitso la hae e ne e le Emily Post. Nka tswa tswa ke fositse mono. Ke nahana joalo, Emily Post. Ha ke tsotelle haeba Emily Post a itse, “Tshwara thipa ya hao mme o je e—e dinawa ka yona,” e ne le mekgwa ya yona. Hobaneng? E ne e le bonneta ba maitshwaro a tafoleng. Ke hantle. Haeba a itse, “Di je ka matsoho a hao,” o di ja ka matsoho a hao. Hobaneng? Sechaba sena se ne ne se mo entse bonneta, ho rala mekhwa e hlamatsehang ya tafole. E, monghadi.

<sup>74</sup> Mehengl Jeremane e kile ya fuwa e—e bonneta, mme e ne e le Hitlelara. E ne e le bonneta. Ha ke tsotelle seo motho mang a neng a se bua, enereha Hitlelara a itse, “E etse,” o a e etsa. O mpe o e etse. Ke lentswe la ho qetela. Hitlelara e ne e le lona.

<sup>75</sup> Roma e kile ya ba le bonneta, mme bona e ne e le Mussolini, mohanyapetsi. Monna e leng mokhanni o kile a fihla motsotsso o le mong pele ho nako, a mo thunyetsa ka koloing ea hae a mo ntsha, a re, “Ha ke a re motsotsso o le mong pele, ke itse fihla mona ka nako.” Bonneta! Sohle see a se buileng, ba ne ba lokela ho se etsa. Se ne se lokela ho phethoha. O ipoletse a tla etsa hore lefatše lohle le phikoloswe ke lentsoe la hae. Le phikoloswa ke Lentswe la Modimo!

<sup>76</sup> Mehengl Egepete e kile ya ba le bonneta. E ne e le Faro. Nkile ka theohela Egepete, ho bona dingalo tseo feela. Mme o lokela ho tjheka maoto a mashome a mabedi ho fumana diterone tseo

ba kileng ba di dula, mmusisi wa Roma; mohla ke ne ke etetse Roma le tlase Egepeta.

<sup>77</sup> Le a bona, tsohle di fetohile di kgutletse leroleng la histori, hoba e ne e le bonneta ba mofuta o fosahetseng. Ke hantle. Bo fosahetse. Bo hlollehile. E ne e le mannete a entsweng ke motho. Mme bonneta ka bong bo entsweng ke motho, le phihlello ka nngwe e entsweng ke motho, e tlameha ho ya leroleng. A tlamehile ho ya leroleng. Ke mofuta o fosahetseng, kahoo o a hlolleha.

<sup>78</sup> Nahanang feela ka setjhaba sa habo rona. Ha re kena mathateng, ha motho a etsa ho hong, mme ba e ahlolama mona e—e lekhotla le lenyenyan la motse, lekgotleng le itseng la sepolesa, e tswelapele, le ho tswelapele, mme qetellong e fihla Lekgotleng le Phahameng. Jwale, Lekgotla le Phahameng ke bonneta ba setjhaba. Ke phetho. Jwale, mane Canada, metswalla ya rona e tswang Canada e ka ya, ho tswa Canada, ho ya ho Mofumahali. Empa United States, ke Lekhotla le Phahameng. Lona ke bonneta. Ka linako tse ling ha re rate liqeto tsa bona, empa re tlameha ho e mamela leha ho le joalo. E, monghadi. Ha re dumellane le yona, ha re rate qeto ka nako e nngwe, empa ke bonneta ba setjhaba sena. Setjhaba se tlameletswe ho lona. Ke qetello ya dikgang tsohle. Ha Lekhotla le Phahameng le re, “O molato,” o molato. Re lokela ho ba le lona; haeba re se na lona, ha re na setjhaba. Ho ka thweng hojane re ne re se na ntho e jwalo? Ruri. Bonneta bo teng nthong e nngwe le e nngwe.

<sup>79</sup> Bonneta bo teng papading ya bolo. Bona ke molaolapapadi. Hantle. Mme ha a re, “Ke seteraeke,” ke sona. Ha ke tsotelle seo o se buang, seo ke se nahanang, kamoo ke e boneng kateng, kamoo o e boneng kateng. Ke seo a se buileng. Ke bonneta. Haeba a re, “Seteraeke,” o tlameha ho dumellana le yona, hobane e tla ngolwa ka mokgwa oo, “seteraeke.” Holane molaodipapadi a ne a le siyo, jwale ho ne ho ka nepa mang? E mong o itse, “e ne e le seteraeke,” e mong o itse, “e ne e se seteraeke; e ne e le bolo, e ne e le . . .” Kgele, o ka fumana pherekano. O ne o sa tlo tseba seo o ka se etsang.

<sup>80</sup> Eka kgona ho be le motho wa lentswe leo la ho qetela nqa e nngwe. Amen. Ke ikutlwia monate haholo hona joale. Kganya! Alleluia! Eka kgona ho be le ntho ya ho qetela. Ke thabetse seo haholo. Oho, jwale, e mong a ka re, “Ke sebe,” kapa, “Ha se sebe.” Ke thabetse seo haholo. Ke thabetse bonneta. Ha ho ngangisano, ngangisano ha e hlokahale. Molaolapapadi o itse, “seteraeke,” ke seo e leng sona; o e betle kelellong ea hao, “ke seteraeke,” le ho tswelapele. Modimo ha o bolela taba, e dutse jwalo! Ha e hloke kgang. Ke seo e leng sona. O boletse jwalo. Ke Bonneta ba Mokreste, ke hore haeba e le Mokreste. Modimo o itse, “E etse ka tsela ena,” e tlameha ho etswa jwalo. Ha ho ngangisano, “Be,” helang, “e ne le . . .” Ha ho letho ho yona. Modimo o itsalo, ke ho fela! Boo ke Bonneta ho modumedi wa sebele. Yaa.

<sup>81</sup> Ho ka thweng holane ntho e jwalo e ne e le siyo, re ka be re le ho kae? Na Methodise e ka be e nepile, Baptise, Presbeteriene, Luthere, kapa ho ka be ho nepile hofe? Le a bona, re ne re tla fumana, ke ka baka leo le—le ne le tla ba le moferefere. Mme ke lona lebaka. Ba lahlile bonneta boo, ke ka baka leo ba kgerang le dinaledi tse ding tsena.

<sup>82</sup> Empa bonneta bo teng. Bonneta bo tlameha ho ba teng. Bonneta bo tshwanela ho ba teng. Mme bonneta bo teng. Bona ke Lentswe. Mme seo ba bang ba se buang, ha se na taba. E, monghadi.

<sup>83</sup> Jwale, holane re ne se na molaolapapadi papading ya bolo, ba ne ba tla hulana ka hulana moriri, ba tsekisana mme ba lwana. Le a bona? Ka lona lebaka leo re hloka bonneta kahara Bokreste, ho kgaotsa ho hulana ka moriri hona, le ho tsekisana le ho lwana. Le a bona? Lentswe le e buile, mme ke phetho. O se ke wa Le eketsa kapa wa tlosa ho Lona. Le tlohele kamoo Le leng kateng feela.

<sup>84</sup> Le a tseba, bonneta bo teng sephethephetheng, ke lebone, letshwao la sephethepheth. Holane le sa sebetse hoseng ho hong? Oh, kgidi! Na o kile wa kgaoletswa? Nna nkile. Ntle le pelaelo, mokhanni ofe o kile. Ho ka thweng holane lebone la setopo le sa sebetse? Jwale bohole baa qabana. Ba kganna ba nyolohela mono, mme e mong o re, “Ke fihlile pele mona,” e mong o re, “Tloo ke o bolelle taba, ke tlameha ho ya mosebetsing!” Oh, kgidi! Basadi bao ba otlanang ka dibukana tsa dipokotho, le banna ba lwanang ka ditebele, mme le bua ka moferefere! Bonneta bo lokela o ba teng, ntho e itseng, “*Hona ho lokile*,” mme ke ho fela. Ha lebone leo le itse, “ema,” le bolela ema. Ha le re, “tsamaya,” le bolela tsamaya. Haeba ho se jwalo, o mathateng.

<sup>85</sup> Mme ho jwalo bophelong ba Bokreste. Nqalo ya ho emisa e teng, le nqalo ya ho tloha. Lentswe la Modimo ke Bonneta boo. Eo ke Kreste. E, monghadi. Haeba u . . .

<sup>86</sup> Ha matshwao a sephethepheth a timile, sephethepheth se a subuhlellana. Mme ke hopola e le sona seo re se fumang hodimo mona setsheng sa bolaodi sa bodumedi kajeno; tshubuhlellano ya sephethepheth, baiphei-badumedi, bemosadumele, le ntho yohle eseles e petahaneng. O fumana tshubuhlellano ya sephethepheth feela. Hobaneng? Ha ba na bonneta ba letho. E mong o re, “Be, re . . . Ke rona bonneta.” E mong o re, “Ke rona bonneta.”

<sup>87</sup> Modimo ke Bonneta. O itse, “Bonneta bo bong le bo bong, ntle le ba Ka, e be leshano. Ba Ka ke Nnate!” Ka hona, bo teng Bonneta ho Bokreste. Ke qetello ya dikgang tsohle. Bibele e itsalo, hoo ho a E lokisa. E, monghadi. Bonneta bo tlameha bo be teng nthong tsohle.

<sup>88</sup> Tse ding jwaloka dikereke kajeno, boholo ba dikereke di na le bonneta ba tsona. E mong le e mong o tshwere ba hae, ntho e

kang ditshiung tsa baahlodi, motho o ne a etsa seo a se boneng se lokile. Empa seo ha se a loka. Le a bona, ke mohla Lentswe la Modimo le baporofeta ba neng ba le siyo. Lentswe ke Bonneta. Ba ne ba ena le bonneta ba bona. E mong le e mong o ipitsa Nnete le tsela, "Rona re Nnete le tsela."

<sup>89</sup> Empa Jesu o itse E ne e le Nnete le Tsela, "Nnete, Tsela, le Lesedi." Na ho jwalo? Be, ka hona, Ke Lentswe, ka hona Bonneta ke boo. Mme mannete a mekga ya phutheho, ha ho letho ho wona; e fosahetse, e tlohele.

<sup>90</sup> Jwale, motho o etsa se lokileng mahlong a hae, empa Modimo o mo etseditse tsela ya ho e etsa. Le a bona, mohla Modimo le Lentswe la Wona le baporofeta ba Hae ba neng ba le siyo, motho e mong le e mong o ne a etsa kamoo a batlileng.

<sup>91</sup> Mme seo esale se etsahala letsatsing lena, e mong le e mong o re, "Ke—ke setho sa sena." Na o Mokreste? "Ke Mopresbeteriene." Na o Mokreste? Ke a le botsa lona. Ngoanana e mong o itse, "Ke batla hore o utlisise, ke hotetsa kandelare bosiu bo bong le bo bong." Monna e mong o buile, moleng wa thapelo, ka mmotsa hore ke Mokreste na, ho re, "Ke Moamerika. O ka hla riatsa jwang!" Eka holane e amana le Yona ka letho. Le a bona, bo tlameletswe ho setjhaba. Bo bong bo tlameletsoe mokhatlong, ditshomo.

<sup>92</sup> Empa *Mokreste* e bolela "jwaloka Kreste." Mme mokgwa o le mong feela oo ka tshwanang le Kreste ke ha Kreste Lentswe le aha ka ho wena. Ke wona makgaolakgang ao. Yaa. Ke bone sena pele ke sokoloha, mme ke thabetse haele moo Modimo o ile wa ntshwara pele ho kereke. Kahoo ka tseba ha ke . . .

<sup>93</sup> Moreri ya kgabane wa Baptise, Moena Naylor, o Kganyeng kajeno, o ile a theoha, a bua le nna. Mme, oh, ke buile le batho ba bangata mehleng ha ke—ke ne ke leka ho fumana Modimo. Moreri wa Mosabatha o ne a mpatlile ho ngodisa le bona, le jwalo-jwalo. Empa ka bona hore haeba ke ne ke tla ba Mokreste, nke—nke ka re, "Jwale ke Mosabatha." Jwale, hoo ho itoketse. "Ke Mobaptise." Ho itoketse, le a bona, empa ke ne ke loketse ho fumana lethwana le tiileng ho feta moo. Nke—nke ka tshepa, hobane e nngwe le e nngwe e ne e tsokotseha.

<sup>94</sup> Ka nahana, "Motho o teng kae-kae, o tlameha ho fumana ntho ya nnete, nqa e nngwe."

<sup>95</sup> Ke ne ke hloka bonneta, yaba ke nka bo bong, Lentswe la Modimo. Ka hona ka bala Lentsweng hore Yena ke Lentswe, Santa Johanne 1. "Mme hodima bonneta bona, Ke tla haha Kereke ya Ka." Um-hum. Ke hantle. Ka hona ka Mo nka Lentsweng la Hae. Tshenolo 22:19 e itse, "Ekareha e mong a tlosa Lentswe le le leng Mona, kapa ho eketsa lenseswe le le leng ho Yona." Ke bonneta boo. Ke qetello ya kgang yohle. *Hona* ke bonneta. "Ekareha e mong a tlosa letho ho Lona, kapa a eketsa letho ho Lona," Modimo o itse, "Ke tla tlosa kabelo ya hae

Bukeng ea Bophelo,” ka baka leo E ne e tlamehile e be bonnete. Mme Jesu o itse, “Motho a ke ke a phela ka bohobe feela, empa ka Lentswe le leng le le leng.” Yaba ke tseba sena “Lentswe le leng le le leng” le ne le loketse jwalo. Ha thwe, “Molao hodima molao, le mola hodima mola.” Le tlamehile ho tla jwalo, kamoo Le ngotsweng kateng.

<sup>96</sup> Ebile O re, “Ekareha le dula ho Nna,” Yena ke Lentswe, “Mantswe a Ka a dutse ho lona, le ka kopa seo le se batlang.” Ka tseba mohlang oo haeba Bokreste e ne e le Lentswe la Modimo, mme Yena e ne e le Lentswe, mme ka ho amohela Lentswe, Lentswe le phetse ka Yena, ka hona ke a tseba, “Ekareha ha le dula ho Nna, le Lentswe la Ka ho lona, kopang seo le se batlang,” mme haeba o le Lentsweng le karolo ya Lentswe, o tla kopa feela seo Lentswe le o laelang ho se kopa. Tseba letsatsi leo o phelang ho lona, jwale, mme o kope ho latela hoo.

<sup>97</sup> Ka baka leo, ho kgutlela sehloohong, etsa... Jwale ke bua ka nna, empa ke tlameletswe. Ke tlameletswe ho Jesu Kreste, ho Yena, ka Lentswe la Hae. Yena ke Bonnete ba ka.

<sup>98</sup> Ke fumane madumedi ana wohle le dintho tsena di e na le bonnete ba tsona. Bo bong le bo bong, bo bong le bo bong, bo na le bonnete ba bona.

<sup>99</sup> Katolike, mopapa eo ha a bua taba, ke yona. Boo ke bonnete ba kereke ya Katolike. Ha ke tsotelle seo moprista a se buang, seo bishopo a se buang, seo mok’hadinale a se buang; ha mopapa a e bua, ke phetho. Ke bonnete boo. E nepahetse.

<sup>100</sup> Kerekeng ya Methodise le mekgatlong e mengata ya Protestanta, seo bishopo a se buang, ke bonnete. Ke phetho. Seo tumelwana e se buang, ke bonnete.

<sup>101</sup> Ho Mapentekosta, ke seo mookamedi wa kakaretso a se buang, hore le ka amohela motho enwa bakeng sa tsoseletso, kapa tjhe. Ke bona bonnete boo. Ha o sa dumellane le mantswe a hae, o rahelwa kantle ho mokgatlo. Le a bona, Lentswe ha le natswe ho hang. Le a bona? Le fumana mannate ana, e mong le e mong o na le bonnete ba hae.

<sup>102</sup> Empa, le a tseba, ha ke bue taba ena ke nyelisa. Ke e bua ka nnete. Ke ikutlwa jwaloka Pauluse, mohla a neng a bolela, ho Diketso 20:24, “Ha ke sisinngwe le ke letho la dintho tsena.” “Ke ikemiseditse hore ke se tsebe letho hara lona; haese Jesu Kreste, homme Ya thakgisitsweng.” Ha ke khathatswe ke mannate ana, e ka bang mopapa, mobishopo, kapa molebedi kakaretso, kapa moeletsi, kapa tsamaiso, leha e ka ba eng, ha ke sisinngwe le ke e nngwe ya dintho tsena. Ha ke tsotelle haeba ba re, “Be, re—re ke ke ra se...” Ha e etse phapang e nyenyane. Ke ikemiseditse ho se tsebe letho haese Jesu Kreste, Lentswe la Hae le bonahatswang hara rona. Ke tlameletswe nthong Eo. Ke yona ankora ya ka. Ke ankorilwe Mono.

<sup>103</sup> “Haesale ke . . .” Pauluse o itse, “Ho tloha ke kopane le Yena, tseleng, ke fetohile. Ke a . . . O ile a nkotlolla.”

<sup>104</sup> Kgele, kamoo A nkotlolotseng! O ile a A nkotlolla hakakang. Empa ho tloha A nkotlolotse, ke ile ka tlamellwa ho Lona. Ke bone hoba Lentswe e ne e le Nnete, ntho tsohle kgahlano le Lona di ne di fosahetse.

<sup>105</sup> Wa tseba ke’ng? O ne a e-na le morero ho mpholosa. O ne a e-na le morero ho o pholosa. Mme ke ikemiseditse, ka thato ya Wona, ho etsa thato ya Wona. Lebaka leo A e entseng, ha ke tsebe hobaneng A entse hoo.

<sup>106</sup> “Ha Le ka ke la ekeletswa kapa La fokotswa!” Jwaloka ha ke boletse, Tshenolo 22:19 e le laetse ho se etse hoo. Haeba Yena e le Bonneta ba rona, ho ke ke ha e-ba ka mokgwa osele. Ha ho kamoo e ka bang ka tsela e nngwe. Eka kgona e be Yena Bonneta, Lentswe la ho qetela.

<sup>107</sup> Le a tseba, dimilione di ne di le sebeng mohla ke neng ke pholoswa. O ne a e-na le morero ho mpholosa. Ke moiwa hara baena, kgafetsa; ho dumela boitherelopele, peo ya noha, kolobetso ka Lebitso la Jesu Kreste, le dintho tsena tse ding tsohle tse bonahalang di . . . le dipono, le matla a Kreste a kgutlileng, le ho nyatsa mekgatlo le dintho. Ke moiwa, empa O ne a e-na le lebaka ho mpholosa, morero wa ho e etsa. O mpholositse mohla dimilione di neng di le sebeng, empa O mpolokile ka morero o itseng. Ho ne ho le banna ba barutehi, ho ne ho le banna ba bahlalefi, ho ne ho e-na le baithuti ba thutabomodimo, ho ne ho le babishopo le dingaka, le jwalo-jwalo, tshimong, mohla A neng a mpholosa, empa A mpholosa ka lebaka le itseng.

<sup>108</sup> Mme ke a bona hoba Lentswe ke Bonneta, mme ke tlameletswe ho Lona, mme ke ikemiseditse ho se tsebe letho le sele haese Jesu Kreste, le hona Ya thakgisitsweng. O ne a e-na le lebaka la yona, mme ke ikemiseditse ho kakatlela morero oo. Ho sa tsotelehe seo motho mang a se buang, ha ke ba kgaole setswalleng kapa ho ba nyenyefatsa, empa ke tseba seo ke tlameletsweng ho sona. O ne a mpatlile ka mokgwa ona. O nkentse ka mokgwa wona. Ke entswe jwalo ka morero. Ke ne ke tlamehe ho bopellwa ka ditshobotsi tsena tsohle, le tse jwalo, le ho tingwa ditshwanelo tsena tsohle, ho re A tle a e tjheke ka ho nna, ho kenya Ntho ka mono; leo e ne e le Lentswe la Hae. Mme ke ikemiseditse hore ke se ke ka tseba letho le sele haese Kreste.

<sup>109</sup> Lefu la Kreste e ne e le bonneta. E ne e le bonneta. E ne e le qetello ya tshabo yohle ho ba neng ba tshaba lefu. Lefu la hae ke bonneta, ke hona.

<sup>110</sup> Batho ba tshaba lefu. Esita le Jobo o ne a tshaba lefu. Empa eitseha a bona pono! O tsebile hoba tsohle di ne di fetile; lelapa la hae, bana ba hae—ba hae. Esitile le mohatsae a mo hlloboha, ka baka la letsuka la hae—la hae la mathopa a hae—a hae; o ne

a dutse ka ntle ho ntlu ya hae, thotobolong ya molora, a ntse a ikgwabitla mathopa a hae—a hae. Mme esitile le mohatsae a itse, “Horeng o sa rohake Modimo, mme wa shwa lefu?”

A re, “O bua jwaloka mosadi ya sethoto.” Le a bona?

<sup>111</sup> Jwale eitseha Elihu a buisana le yena . . . Le leng la matsatsi ana, ke batla ho le manollela lebitso leo, Elihu, le ho le bontsha hore e ne e le Kreste.

<sup>112</sup> Mehengl ya maemo ana a hae, mme ntho e nngwe le e nngwe e eme kgahlano le yena, yaba o bona pono eo Ya Lokileng. O ne a batlile ho fumana Monna Ya neng a ka mo emela sekgeong; a bea matsoho a Hae hodima monna wa moetsadibe le Modimo o Halalelang, le ho ema tseleng. Mme Modimo wa mo dumella ho E bona, dilemo tse dikete tse nne hole. E ne e le bonnete ba hae. O ile a phahama mme a itlholtlhora. Alleluia!

<sup>113</sup> Ha motho a tshaba ho shwa, ema o itlhohlore, sheba Lentsweng mme o bone seo pono ya Modimo e leng sona.

<sup>114</sup> O bone pono eo, a re, “Ke a tseba Molopolli wa ka o a phela, mme matsatsing a qetelo O tla ema hodima lefatshe lena. Mme ke itlamella ho yona! Leha diboko tsa letlalo di senya mmele ona, empa ke tla bona Modimo ke le nameng ya ka: Eo ke tla mmona ka bona. Ke tlameletswe ho yona,” a rialo. O e bone. E ne e le tshepiso ya Modimo.

<sup>115</sup> O ile a phahla a hlahloba melao ya tlhaho. Jwalokaha ke le phethetse ka kutlwano ya molao wa tlhaho, kutlwano ya Lentswe, kutlwano ya kgato ya Modimo, ntho e nngwe le e nngwe e kutlwanson. O ne a botsitse, ho Jobo 14. O itse, “Tshepo e teng ho sefate, ha se e shwa; palesa, ha e shwa; jwalo-jwalo. Empa,” ho re, “motho o a robala, o nehela moyo, o a timela. Bara ba hae ba tlela ho mo hlompha, athe ha a lemohe. Oh,” yaba o re, “ha O ka mpata lebitleng, o mpate nqalang e sephiring, bohale ba Hao bo be bo fete!” O ne a tshaba lefu.

<sup>116</sup> Empa hoba a bonele hoo pele, kaha e ne e le moporofeta, o bone tsoho ya Jesu Kreste, a howeletsa, “Molopolli wa ka o a phela!” Shebang, o Mo bitsitse, “Molopolli.” Shebang. “Ke a tseba Molopolli wa ka o a phela, mme mehlengl ya bofelo O tla ema hodima lefatshe; leha diboko tsa letlalo la ka di se di sentse mmele wona, empa ke tla bona Modimo ke le nameng ya ka.” Modimo le Molopolli e ne e le ntho e le nngwe, Modimo le motho ba entswe ntho e le nngwe. “Ke tla bona Modimo; Eo ke tla mmona ka bona, mahlo a ka a tla bona, e seng e mong.” Amen.

<sup>117</sup> Ha se motho e mong o sele haese Molopolli eo, Modimo, ke Yena eo mahlo a ka a mmonang. Yena Ke Bonnete. Yena Ke Bonnete. O tlosa tshabo yohle lefung. O tlosa tshabo yohle.

<sup>118</sup> Ho Baheberu, kgaolo ya 2, temana ya 14 le ya 15, sheba. O nkile sebopoho sa motho, ho shwa jwaloka e mong, bakeng sa bohle. O nkile sebopoho sa motho. Molopolli enwa o ile a theoha

mme a etswa motho, hore A tle a shwe, Monna a le mong, bakeng sa batho bohle. Oh, O e entse jwang? Modimo o fetohile motho ka lebaka lefe? Ho lefella kotlo ya motho.

<sup>119</sup> Empa, hoseng ha Paseka, O tswile ka dinotlolo tsa lefu, dihele, le lebitla. Amen. Modimo, O neng o ka shwa sefapanong, mme mabitla ha a kgona ho Mo boloka; ho se letho, dihele di ne di ka sitwa Mo tshwara. Ho se letho le le ka mo Mo tshwarang. O ile a tsoha. O ne a tshwere dinotlolo. O tsohile, Mohlodi, hoba A hlotse lefu, dihele mmoho, lebitla. Mehlgeng ya Hae lefatsheng, O hlotse malwetse. O hlotse tsohle. O hlotse ditumelo-kgwela. O hlotse ntho e nngwe le e nngwe e neng e lokela ho hlolwa. Le ho tswa ka lefu, dihele, le lebitla, dinotlolo di ntse di ketema lephakong la Hae; le ho nyolohela Hodimo, le ho fa batho dineo, le ho kgutla ka Letsatsi la Pentekosta le ho di neha Petrose, ho Kereke. Amen. Ke Bonneta ba rona. Ditshabo tsohle tsa lefu... Hobane O a phela, le rona re phela ke hona.

<sup>120</sup> Baroma 8:1, “Haele moo re behilwe ba lokileng ka tumelo, re na le kgotso le Modimo ka Morena wa rona Jesu Kreste.” Re a fumana, ke a dumela ke Baroma 5, re a fumana. Mme—mme Yena ke tokafatso ya rona. Modimo o Mo tsositse ka letsatsi la boraro, ho lokafatsa tumelo ya rona, hore re e dumele. Mme O Mo tsositse, ho lokafatsa tumelo ya rona. Ebe O ile a etsang? A Mo busetsa hape, Molokafatsi, hobane tumelo ya rona e a e dumela. Moya o Halalelang, Kreste, o kena ka hare ho yona, bakeng sa tokafatso ya rona, hobane re tsohile lefung ho kena Bophelong. Mme jwale re bara le baradi ba Modimo, re dutse dibakeng tsa Lehodimo ka ho Kreste Jesu, re lokafaditswe ka tsoho ya Hae.

<sup>121</sup> Hoo ho a re lokafatsa, ho tseba, ka—ka tebeletso ya poloko ya rona e leng kahare ho rona jwale, bona Bophelo ba Kreste bo futha ka ho rona. Mme jwale ebe re ka latola Lentswe jwang? Etswe, ke Yena Lentswe le re fang... tiisetso ena. Moya o Halalelang o teng. Ke Eng? E sa ntse e le Naledi eo ya Leboya, Kreste ke Naledi eo ya Leboya. Mme Moya o Halalelang ke tokafatso eo e supisang modumedi Naledi ya Leboya hantle. Hantle.

<sup>122</sup> Moya o Halalelang o tla supa Lentswe kamehla. Haeba O supa tumelwana kapa mokgatlo, ha se Moya o Halalelang. O ke ke ke wa etsa hoo, ho supa hosele le Lentswe la Wona, athe O shwetse ho tiisa Lentswe leo le ho etsa Lentswe leo ntho ya makoma. Amen. O shwele hore A tle a tle, ka Sebele, ho kena Lentsweng leo. Ke Bophelo bo tsosang bo etsang hore Lentswe leo le phele hape. Oo e ne e le morero wa Wona ho shwa, hore A Ipepese ka Kereke ya Hae, le ho etsa hore Lentswe le leng le le leng, ho haola le mongwaha o mong le o mong, le etse hantle feela kamoo Le loketseng ho etsa.

<sup>123</sup> Ke matla a dihlomo. Dihlomo tsa Kereke, ke eng? Baapostola, baporofeta, baruti, le ba jwalo. Mme ke Yena matla a sebetsang

hoo. Mme e sebetsa ka matla a itseng a bitswang jwaloka... Yena, Ke Mollo o hotetsang gase. Ke Mollo o kahara phaposi ya sebopi, ke ha e gase—gase, e—e Lentswe, le tshollelwa hodima phaposi ya sebopi, Ke Yena ya e tukisang. Ke Yena ya e thasisetsang. Ke matla a tsoho. Ke Modimo. Yena, Ke Mollo, ke seo A leng sona.

<sup>124</sup> “Ha ho kgang,” ho boletse Timothea oa Pele 3:16, “sephiri sa borapedi se seholo; Modimo o bonahetse nameng, o bonwe ke mangeloi, ho nyollelwa Kganyeng.” E ne e le Modimo, o tlie ho nka sebaka sa baetsadibe. E, monghadi. Mme ha Yena, Modimo, ho Mo tsosa ka—ka letsatsi la boraro, e ne e le bakeng sa tokafatso ya rona. Ka hona, ho phahamisetswa letsohong le letona la Boholo bo Phahameng, Ke Mmuelli, ho re buella... mefokolo ya rona, jwaloka ka ha re ipolela ho Yena, mme re shwa ka nqa ya rona; ho beha Lentswe la Wona ka ho rona, tshepis. Mme tumelo ya rona e phedisa Lentswe leo, hoba Kreste o ka ho rona, mophedisi wa Lentswe.

<sup>125</sup> Ke lakatsa hakakang ha kereke e ka bona hoo, dikgang tsohle le dikgohlano di ka fela! E ne e tla ba Lekgotla le Phahameng. Eo ke Naledi ya Leboya. Alleluia! Ke qetello ya dikgohohlano tsohle. Ke qetello ya dipotso tsohle. Ke qetello ya tsohle. “Modimo o boletse jwalo,” boo ke Bonneta. Itlamelle ho Lona. Pauluse o itse, “Ha ho letho le leng teng, ha ho letho le tleng, lefu, ho kula, bofuma, timelo, ha ho letho le ka re arohanyang le Hono.” Re tlameletswe ho Bonneta. Ho re, “Ho nna ho phela ke—ke Kreste, mme ho shwa ke moruo.” Ha ho letho le tiisetsang kantle le Hoo. Hoo ke Bonneta.

<sup>126</sup> Ke Yena Bonneta ba rona hobane re ruile kgodisetso ya tsoho, hobane O tsohile ka ho rona. Re tseba jwang? O a phela. O etsa hantle mona seo A se entseng mohla A ne a le lefatsheng mona. Ke yona Topallo ya Mollo, re tshwere setshwantsho sa yona mono. E sa le Yena eo ka Kerekeng. O teng mona kajeno, mme mmeleng wona O a sebetsa le ho etsa hantle jwaloka ha A entse mohlang oo.

<sup>127</sup> Ha bophelo ba semela sa lehapu bo entelwa mokopung, ha o sa tla beha mokopu o mong hape; o ke ke wa kgon, hoba e tla be e le lehapu, hoba bophelo bo ho wona ke lehapu. “Mme ekareha Nna... Le dula ho Nna le Lentswe la Ka le ka ho lona, le kopa seo le se batlang!” O tla ba fumana mahapu. Amen. Bonneta, ke a tseba ke Nnete. Ke tlameletse soule ya ka kahara hoo, mme ke a tseba hore ke Nnete. Lentswe la Modimo, Ke Bonneta ba rona.

<sup>128</sup> Bathessalonika ba Bobedi, kgaolo ya 2, re bala seo. “Re tla nkelwa hodimo le baratuwa ba rona, ho kopana le Yena sebakeng.” Oh, kamoo pelo ya ka e futhiswang ke Lentswe le leng le le leng Bukeng ya Hae, “Amen.” Modimo o itse, “Re tla nkelwa hodimo sebakeng, ho kopana le baratuwa ba rona.” “Amen,”

Lentswe le boletse jwalo tlase pelong ya ka, hoba Lentswe le ka mono.

<sup>129</sup> “Ke patile Lentswe la Hao pelong ya ka, Morena, ke tle ke se ke ka U sitelwa. Ke a tlama menwanang ya ka, dihloohong tsa bolao ba ka. U pela ka kamehla. Nke ke ka sisinyeha.”

<sup>130</sup> “E, leha nka tsamaya kgohleng ya moriti wa lefu, nke ke ka tshoha bobe leha bo le bong, hoba U Bonneta ba ka. Ke tla pholletsateng, mme U tla ntsha teng. Ke kena metsing a tebileng a sekepe sa ka, U tla... U ankora ya ka. Amen. U ka morao ho lesira mono. Ke Wena Ya tla ntshupisa tsela hara sefefo. Ke Wena ya tla ba Teng, ankora ya ka Kganyeng, mohla ke theohang ho fihla meriting ya phula, meriti ya lefu.” Mohla ke theohelang Jordane, mohla ke tlamehang ho tshela, Ke Bonneta ba ka. Ke tlameletsae ho eo Ya tsohileng mose wane, O tla nkinola metsing a bolotsana. “Nke ke ka tshaba bobe, hobane U na le nna.” Amen. Difefo di ka befa, bophelo, lefu, hofe ho leng teng; ha ho letho le tla arohanya. Ke tlameletswe Tshiyeng eo.

<sup>131</sup> Tshiya eo e a setlela. E setlela kahara lesira. E ile ya ankora. E ne e ankorile kgahlano le Modimo kwana. E ne e ankorile kgahlano le pelo ya ka. Moya o Halalelang ke wona o nkgarameletsang tshepisong eo “KE TENG!” E seng, “Ke tla ba teng,” “Ke ne ke le teng” “Ke tla ba teng ka letsatsi le leng.” “Ke Nna Tsoho le Bophelo,” ho boletse Modimo. “Ya dumelang ho Nna, leha a shwele, o tla phela. Mme ya phelang, mme a dumela ho Nna, a ke ke a shwa le ka mohla o le mong.”

<sup>132</sup> Leha lefu le ka etsa seo le se batlang, le ke ke la ntshwenya, kahobane ke kgotswe, ke kgotswe hore leha malwetse a ka ntlosa, kapa tholwana e tswang sethunyeng, ka letsatsi le leng, e ka ntlosa, ha ke tsebe hore e tla ba eng, e etsa phapang efe ho nna? “Ho nna ho phela ke Kreste, mme ho shwa ke moruo.” Oh, khidi! Hobane, ke ikemiseditse ke Mo tseba a dutse kwana mose ho noka ya lefu, teng O tla nkgulela ka pela Sefahleho sa Hae ka tsatsi le leng. Ho behwa ya lokileng ka ho loka ha Hae, hore ke amohetse lefu la Hae sefapanong, Modimo o entsweng nama hara rona; e sa ntse e le nama ka ho rona, e sa ntse e le Moya nameng ya rona. Amen.

<sup>133</sup> Ke Bonneta ba ka. Ke tsohle tsa ka. Ntho efe ka ntle ho eo, ke tla ke ithophere matsoho. Ha ke tsebe letho lesele haese Kreste, e leng Ya thakgisitsweng; ha ke batle ho utlwa letho lesele haese Kreste, e leng Ya thakgisitsweng. Pelo ya ka e rialo “amen” tshepisong e nngwe le e nngwe ya Hae. Ke tseba ka hona hore Moya wa Hae o Halalelang ke tshupa-kgutlo, O ntataisa ho nkisa Lentsweng.

<sup>134</sup> Ha ho le e nngwe ya dipono tseo e kileng ya mpolella letho haese se neng se le Lentsweng hantle. Oh, ke fumane tiisetso ya ka mono, moena. Bosiung mohla A neng a mpolella ka yona, ke ile ka bona dipono tseo. Mme nka ipiletsa maikutlong a lona,

na pono eo e kile ya bolela letho le kgahlano le Lentswe? Ha ho mohla e kileng ya fosahala. Hobaneng? Ke Modimo. Ke yona tshiya ya ka.

<sup>135</sup> Mme ke a tseba, hoseng ho hong, ponong, ke bone baratuwa ba ka mose ho noka kwana. E teng. Ke habile Lefatsheng leo la pallo. Ke tlameha ho phuthehela teng ka tsatsi le leng. E, ka sebele.

<sup>136</sup> Ke Bonnete ba ka. Ke Letsatsi la ka. Ke Bophelo ba ka. Ke tshiya ya ka e tlamellang, Naleli ya ka ya Leboya. Ke sohle seo nka se nahangan ho ba sona, Ke seo ho nna. Ke Bophelo ba ka.

<sup>137</sup> Madumedi, ho nna... Ha se ho le thonkga maikutlo; ha ke batle ho etsa jwalo. Empa Lentswe le jwaloka sabole e leoditsweng ka nqa tse pedi, Le ke ke la sututswa le sa hlathe, le a bona, haholo ha Le hlabo lefifing. Lemohang, madumedi a tshwana le dinaledi tse ding, a ritsa mmoho le lefatshe le phikolohang. Ke hantle. Hohle moo lefatshe le yang, ba dumella basadi ba bona ho kuta moriri, ho apara marikgwana, le ntho e nngwe le e nngwe, ke ho ritsa feela le Hollywood le ntho e nngwe le e nngwe. Empa, oh, moena, *Hoo* e sa le Nnete, Lentswe leo le sa sisinyeheng la Modimo o phelang e sa le Nnete! Ke Bonnete ba ka. Seo Le se buang ke Nnete. Leha bodumedi bo ka ritsetsa hohle moo ba batlang. Ba batla ho nyedisa Lebitso la Jesu Kreste, ka tlotla, ho ho bona. Empa ho nna, "Ha ho Lebitso le leng tlassa Lehodimo le Neilweng batho, leo le ka bolokehang ka lona." Ho nna, leo ke Lentswe la motheo, ke hona moo lejwe la sekgutlo le leng teng. Ha ke batle ho kgera le phutheho ya bodumedi ka letho.

<sup>138</sup> Ke tshwere Tshupa-Kgutlo ka ho nna mona, Moya o Halalelang, o nkisa Bonneteng ka kotloloho. "Hobane mahodimo le lefatshe di tla feta, empa Mantswe a Ka a ke ke a feta." Mme ke Le patile pelong ya ka, mme Moya o Halalelang o ntshupitse ho Lona ka kotloloho. Ke ikemiselitse ho se tsebe letho le leng. Ke Bonnete ba ka boo. Ho mpe ho be jwalo. Ke e batla jwalo. Oh, khidi! Jwale, moena, kgaitsedi, etsa Bonnete ba hao ka ho Yena. E, mongadi.

<sup>139</sup> Mehengleng ya matshwenyeho a ka nakwana e fetileng mona, ka lahlehelwa ke mohatsa ka, bana, ntho e nngwe le e nngwe. Motho o itse ho nna, ho re, "Na o ile wa boloka bolumedi ba hao?"

<sup>140</sup> Ka re, "Tjhe, Bo mpolokile." Le a bona? Le a bona, ke tshwere Bonnete, ho tseba ke tla ba bona hape tsatsi le leng. Amen. Nka be ke ne ke hlollehe holane ke sa tshwara Bonnete boo. E entse phapang ka ho nna, moo ke neng ke tlameletswe teng, hoba ke tsebile hore ke tla ba bona hape.

<sup>141</sup> Jwale, ka mohau, ke tlameletswe ho Eo Ya itseng, "KE TENG," e sang "Ke ne ke ke le teng." "KE TENG," kamehla, teng-kamehla, omni-, motsebatsohle, omni-, yamatlaohle, mohlokapeletso, ntho eo Yena hase "Ke ne ke le teng." "KE

TENG,” E sa ntse e le tsoho. E sa ntse e le Naledi ya Leboya. E sa le ntho e nngwe le e nngwe, ho nna.

<sup>142</sup> Moshe o ne a tshwere bonneta. Mohla a kopanneng le sehlahla se tukang seo, ho yena e ne e le bonneta. Mohla Joshua—mohla Joshua . . .

<sup>143</sup> Oh, le a tseba, ka dinako tse ding ha o nka bonneta, bonnnete bo tla o isa ho mohlolahadi. Ke hantle. E. Mohlolahdi ke ntho ya sebele, empa e ke ke ya hhaloswa. Ke mohlolahadi.

<sup>144</sup> Mohla Joshua a emeng mono, mme o ipone a na le tlhoko! Modimo o ne a mo romile ho ya mono le ho hapa lefatshe leo, ho ba shashara a ntsha batho bao bohle, le—le ho kenya Israele naheng. Mme ka tsatsi le leng, mabotho a ile a thibellwa, e le kantle naheng. Mme—mme ntho ya pele le a tseba, o tsebile hoba o ba shasharile, ha feela a ba qhalantse. Kahoo, hoba a etse jwalo, letsatsi le ne le dikela. Mme Joshua o ne a tlameletswe ho Bonneta, Lentswe la Modimo, Mmopi. O ne a tlameletsoe mosebetsing oo a neng a lokela ho o etsa. Amen.

<sup>145</sup> Ka nako tse ding ha ho monate ha tlameha ho e etsa; o tlameha ho utlwisa maikutlo a bohloko, ho kgabela le ho kgekgetha. Empa ke bonneta.

<sup>146</sup> O ne a e na le tlhoko. A re, “Letsatsi, ema, koo! Khoedi, leketla hona moo!” Mme, dihora tse mashome a mabedi a metso e mene, la ema. Oh, le bua ka mohlolahadi! Empa o ne a tlameletswe ho bonneta, ka thomo. E, ruri, Modimo o ne a mo romile.

Johanne o ne a kgotswe hore o tla bona Leeba ha Le dula hodima Hae.

<sup>147</sup> Ha ke bona Topallo eo ya Mollo, jwaloka Pauluse tseleng e theohelang Damaseka, ka tseba hore boo e ne e le Bonneta ba Modimo, ho ne ho tla latela tsoseletso e tla haola le mafatshe. Ke tsebile hore E tla etella ho Kgutla ha Jesu Kreste labobedi, mme le kajeno ke sa e dumela. Ke Bonneta ba ka, leha kwana e ne e le mohlolahadi. Ehlide, e ne e le mohlolahadi, hore Topallo ya Mollo e ka leketla moo sebakeng. Mme dipampiri le ntho e nngwe le e nngwe ya katlatsa setshwantsho sa Yona.

<sup>148</sup> E ne e le mohlolodi, tsatsi le leng, ka la 15 Hlakubele, kapa la 15 Motsheanong, ke a kgolwa . . . tjhe, ka la 15 Hlakubele, ngwahola ena. Mohla, dikgwedi tse tharo kapa tse nne pele ho moo, *Benghali, Ke Nako Efe?*, ho ne ho itswe re tla tswela mono, “Mme Mangeloi a supileng a tla kopana, le ho kgutla, mme e—e Buka ya Ditiiso tse Supileng e ne e tla manollwa.” Mme e ne e le ha ke eme hantle mono le Moena Fred Sothmann, ya sa tswa re “amen” mono, ke eme mono pela hae, hoganeng, ke ile ka ba bolella, “Ho tla hlaha lerata le neng le tla reketsisa naha.” Mme ka re, “Le tla hlaha. Ke HO RIALO MORENA.” E hodima ditheipi, ditheipi, ditheipi, ho tswa Phoenix le ka mathoko. “Ke HO RIALO MORENA.”

<sup>149</sup> Ka tsatsi le leng, ha ke eme mono, ke hlomola bohome, kapa dihlohwana poho meomong ya ka, jwalo ka ha e ne e hlahile; teng Mangeloi a supileng a haola a tswa sebakeng, mme a reketlisa nqalo, ho fihlela, mafika, a boima ba diponto tse mashome a mahlano kapa tse mashome a tsheletseng, a thetthehile leralleng. Teng ke ha ho eme Mangeloi a supileng mono, a ntela ho kgutlela morao le ho tlisa Melaetsa ena, le ho re, “Ka bonngwe ka bonngwe” a ne a tla “kopana le ho bolela se etsahetseng.” Mme e hlahile jwalo hantle feela. Mme eitse ha a nyolohela kwana Hodimo, ka mokgwa oo, ho phahamela dimaele tse mashome a mararo hodimo sebakeng; mme, tsatsing lona leo, ba katlatssa setshwantsho sa Yona, mahlale a entse jwalo, le ho tloha ho pota lefatshe. Ke mohlolahadi, empa e ne e le Bonnete. O ile wa ntlamella ho feta moo ho Jesu Kreste, ho lohella bophelo ba ka ho Yena. Ke a tseba hore e bonahala e makatsa. E jwalo kamehla.

<sup>150</sup> E ne e le mohlolahadi ho Pauluse, ho kopana le Jesu tseleng e yang Damaseka. Ke mohlolahadi ha Modimo o fetola pelo e ntsho ya moetsadibe, le ho e hlatswa bosweu Mading a Hae ka Sebele. Ke mohlolahadi. Ka sebele. Na le dumela mohlolahadi? Mme mohlolahadi oo, haeba e kgema le Lentswe la Modimo, e ka ba bonnete ba hao. Tsokolo ho Pauluse e ne e le mohlolahadi, mme wa fetoha bonnete ba hae.

<sup>151</sup> Hopolang mona, nakwana e fetileng, ke ne ke dutse le rameriana wa kgale, re ntse re qoqa tulwaneng. A re, “Moena Branham, ke batla ho o botsa taba.” Mme e ne e le Mobaptise, ka boyena. A re, “Na o dumela mohlolahadi?”

Ka re, “Ehlile bo. Ho jwalo ruri.”

<sup>152</sup> Ho re, “Nke ke ka bolella motho mang taba ena ntle le wena,” ho re, “empa ke—ke a tseba hore o dumela sena.”

<sup>153</sup> A re, “Mehleng ya sekoboto,” a re, “ba ne ba loketse ho fumana taelo, ho tswa lebatoweng, ho fumanela bakudi moriana.” Le ho re, “Ka tsatsi le leng, ha ke dutse motsheo levenkeleng la dithethefatsi.” Ho re, “Mora wa ka o ne a emetse bareki.” Le ho re, “Ka bona e—e ho kena mosadi.” Ho re, “O ne a le... O ne o bona hore o tla itshihlolla hang.” Le ho re, “Mothwana eo a batla a sa kgone le ho ema. Mme monna wa hae a apere bofuma, bobedi ba bona. Mme o ne a itshetlehilie ka khaontara. Mme a tloha mme a botsa mora wa ka, a re, ‘Mona ke tshwere lengolo le tlatsitsweng ke ngaka.’ A re, ‘Na u ka ntshebeletsa mme wa ntumella ho ikela ke isa mohatsa ka lapeng?’ A re, ‘Ke lekile ho mo emisa a fotse moleng oo. Sheba feela tlase seterateng moo,’ a rialo, ‘e tla ba dihora tse nne kapa tse hlano.’ Mme a re, ‘Ha a sa kgona ho ema jwale, o ka bona.’”

<sup>154</sup> Mme mothakanyana a re, “Monghadi, nke—nke ke ka etsa jwalo.” A re, “Ke tla tlameha ho fumana taelo pele,” ho re, “hobane nke—nke ka etsa jwalo. E kgahlanong le melawana feela.” Le ho re...

<sup>155</sup> Ntatae a re o ne a dutse morao mono a mametse, ho bona seo moshanyana a se buileng. Mme a re, “Motsotso feela, mora. Ke eng moo?”

<sup>156</sup> Le ho re a tloha a nyolohela mono. Mme leqheku la monna, Mokreste wa sebele, monnamoholo wa mohalaledi, a re, “Ke eng, moena wa ka ya lokileng?”

<sup>157</sup> Mme a re, “Monghadi,” a re, “ke a... mohatsa ka, o makgatheng a—a—a hae jwalo.” A re, “Ke—ke a... Mona ke tshwere taelo ya ngaka; moriana wa mofuta, o tlameha ho o fumana hona jwale.” Le ho re, “Ka—ka mo theola ho ya ema ka phaposing mono.” Le ho re, “Ka—ka... Sheba mola wona,” ho re, “Ke a belaela hore nka kena, thapama ena.” Ho re, “Ke a ipotsa haeba—haeba o ka ntlatsetsa sena?” A re, “Ke tla—ke tla ema tlase mono; ke tla—ke tla o tlela tjhelete, taelo e lefellwang ke lebatowa.”

<sup>158</sup> “Khele,” a rialo, “ehlile, monghadi, ke tla o tlela yona.” Mme a beha taelo fatshe feela, a kgutla. A re moshanyana wa hae o ile a kgutla mme a qala a emela motho e mong.

<sup>159</sup> Ho re, “Mofumatsana o ne a shebile kantle, habedi kapa hararo. O eme moo feela, mme mofufutso o thunya sefahlehong sa hae, ho tseba hore o kula haholo. Mme moena ya emeng mono a mo kopile ka matsoho, le a tseba, ho re, ‘Ema feela, ratu, jwale ho se ho se hokae.’ Ho re, ‘Ngaka e molemo ya dithethefatsi e tla re tlela moriana wa mofuta.’”

<sup>160</sup> A re, “Ka hlophisa moriana ka potlako ya bokgoni ba ka, mme ka tlatsa lengolo la ka la ngaka.” Le ho re, “Ha ke qala ke mo nehela wona letsohong la hae,” a re, “Moena Branham, ka shadima mme ke ne ke o kenya letsohong le mehwabadi ya dithakgisa.” A re, “Ka bona meutlwa phatleng ya Hae.” A re, “Ka tutubala, mme ka hetla.” A re, “Ka ellewa hona hoo, seo le se entseng ‘enwa e monyenyan ka ho fetisa wa bana ba Ka,’ e entswe ho Yena.”

<sup>161</sup> Ho re, “Na o dumela seo?”

Ka re, “Ka pelo ya ka yohle, ngaka, ke dumela lentswe le leng le le leng la yona.”

<sup>162</sup> Ke eng? A re, “Ho tloha mohlang oo, esale Kreste a boletse ho fetisang ho nna. Hobane, ka ho sebeletsa mosadi eo,” ho re, “e ne e le mohlolahadi. Ntle le pelaelo batho ba tlwaelo ba ke ke ba e dumela, empa,” ho re, “Ke mpile ka hopola, ho o bolella yona feela, hobane ke o tseba o fetile maiphihlelo ao.”

Ka re, “E, monghali. Ke hantle,” ka rialo.

<sup>163</sup> Ke a hopola, mohla, Santa Martin, ho bala ka yena. Mohla e neng esale feela e—e moshanyana, o ne a bitsitswe ke Modimo. Batho habo e ne e le bahetene. Mme ntatae e e—e batla e le ka mokgwa, oh, ha ke tsebe, ha ke nahana monna oa sesole, mme—mme ke tshwanelo ha bashanyana ba bona ba hata mehlaleng ya

bona. O boletse . . . ka tsatsi le leng ha a haola le motse mono. Ke a lebala kae jwalo. Mme ke a kgolwa e ne e le Lefora. Mme a re a feta lefarung; teng ho robetse leqheku la monna, a bolawa ke serame, maemo a leholimo a bata haholo. Mme batho ba feta, ba sa mo nehe letho. Mme a re o ne aeme. Mme batho ba hlile ba ipolela e le badumedi, mme ba ne ba feta mono, ba tlohela monna wa leqheku a robetse moo. Mme a ntse a kopa ntho ho ikapesa, a re o ne a bolawa ke mohatsela.

<sup>164</sup> Mme Santa Martini o a tloha o ya koo, pele ho tshokoloho ya hae, jwale, a nka jase ya hae, e le lesore, mme a e kgekgetha habedi mme a phuthela lefupatsela la kgale ka mokgwa oo, a mo apesa yona. Batho ba mo ja ditsheho, ba re, "Ke lesore le qabolang, le apere mokgekgetho wa kobo." Le a bona, bo o etsisa dintho tse makatsang. Ntho e ne e ahile ka ho yena, o dumetse ho Molimo o neng o le teng.

<sup>165</sup> Bosiung boo, hoba a qhanolle a robala nakwana, a phaphama. Motha a mo tsosa, mme a sheba. Mono mabapa le bolao ba hae, ho eme Jesu a phuthetswe ka sekotwana sa seaparo seo. Ebile qalo ya Santa Martini eo.

<sup>166</sup> E ne e le eng? O ne a tshwere bonnate, hore Lentswe la Modimo ke nnete. "Seo le se etsang ho ba banyenyane bana ba Ka, le se etsa ho Nna." Moena, ke tlameletswe Bonneteng boo. Mme kea tseba hore e mong le e mong wa lona . . .

<sup>167</sup> Sebakeng sa ho memela aletare, hoseng hona, ke a kgolwa nka rata ho memela boinehelo. Ha re ineheleng Bonneteng bona. Na le a dumela hore Lentswe ke Bonnate ba Modimo? Na le a dumela Ke yena kajeno Eo kileng ya ba yena?

<sup>168</sup> Bareri ba teng ka mona, na le ke ke la rata ho halaletsa maphelo a lona, feela, ho nka Bonnate feela? Re batla eng kajeno? Re batlana le eng ka setlankana sa botswalle kapa lengolo la ditshwanelo? Re batla Jesu Kreste. Ha re a tlamellwa setlankaneng sa botswalle. Re tlameletswe Lentsweng la Modimo, "Jesu Kreste yena maobane, kajeno, le kamehla." Na le dumela hoo?

<sup>169</sup> Ha re emeng ka maoto a rona joale mme re halaletsa maphelo a rona. Le ba ka, ke bo batla jwalo. Ke a itlamella, botjha. Ke ntse ke hlahluba lefito la ka, lefito le hlametswe. Ke ntse ke hlahluba bonnate ba ka. "Morena, ntho ha e le teng ka ho nna, e seng Lentswe la Hao, e ntshetse kantle. Ha ke tsebe letho lesele haese Wena. Ha ke batle ho tseba letho lesele haese Wena." Jwale, e mong le e mong ka mokgwa wa hao.

<sup>170</sup> Esale ke qoqa le lona veke yohle. Ke le boleletse Nnete. Modimo o thasiseditse Nnete. O e entse kgafetsa le kgafetsa, le khafetsa hape. Le tseba seo Bonnate bo leng sona. Jwale ho nna le lona, mmoho, lona basadi bohole, lona banna bohole, bashanyana, banana, sohle seo le ka bang sona, rona ha re; lona bohole dibini, bohole—lona batho bohole hodimo mona, hohle,

mmoho; tlase mokatong o ka tlase, hodimo diotlwana moyeng, hohle pela mabota, morao lepheong; hohle moo re leng teng, ha re nkeng Jesu, Bonneta ba rona, hoba re loketse ho fihla dikgohleng tsa moriti wa lefu. Ha ke tsebe letho lesele haese Yena. Ke Bonneta ba ka, hoba O tsohile bophelong ba ka mme ke a tseba hore Ke wa mannete.

<sup>171</sup> Ha re phahamiseng matsoho a rona jwale mme re rapele. Ha re hlahiseng tshebeletso ya rona ya boinehelo.

<sup>172</sup> Morena Jesu, Lentswe la Hao ke la ho qala boholoholo, Ke qalo le qetelo. Nna jwale, mmoho le phutheho ena, ke ikgalaletsa, botjha, hodima sefala sena kajeno. Ke qella kereke ena, Life Tabernacle, bakeng sa boinehelo. Batalatsa diphapang tsohle, tsohle di fele, tse fetileng di fete. Basebeletsi ba Evangeli, ba tshwenyehileng... mme ba ne ba hopotse hore ntho e tla etsahala. Oho Modimo, re itlamella, hoseng hona, ho Jesu Kreste Lentswe; le ho ikemisetsa ho se tsebe letho lesele haese Kreste, homme Ya thakgisitsweng. Oho Naledi ya Leboya, oho Moya o Halalelang, oho Tshupa-Kgutlo ya Modimo, kena jwale pelong e nngwe le e nngwe. Mme re inehela ho Wena, ka Lebitso la Jesu Kreste. Kganya ho Modimo! Amen.

Ho lokile, moena.



*BONNETE* SST63-1201M  
(An Absolute)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Tshitwe 1, 1963, mane Life Tabernacle, Shreveport, Louisiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)